

INUIT ATAQATIGIIT INATSIARTUNI



21. januar 2022

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Meeqqanik kinguaassiutitigut atornerluisut sakkortunerusumik pineqaatissinneqartarnissaat siunertaralugu siunnersuut 138/UKA2019 – 138/2020 Inatsisartunit tunuliaqutserneqarpoq. UKA2021 Inatsisartunit taparserneqarpoq Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnissaat pillugit inatsisissatut siunnersuummut missingiut, tassunga ilaalluni ukiukitsunik pinngitsaaliilluni atoqateqarsimasoqartillugu pineqaatissiisutit sakkortusineqarnissaat.

- Eqqartuussivinni pineqaatissiisoqartillugu aalajangiunneqartut qulaani taaneqartut siunertaat naapertorlugu pineqaatissiisoqartarnissaa pillugu Inatsisinut Ministereqarfik sunik iliuuseqareersimanersoq, iliuuseqalersaarnersorlu, pillugit Naalakkersuisut qanoq ilisimatitsisinnaappat?

(Inatsisartunut Ilaasortaq Sofia Geisler, Inuit Ataqatigiit)

Tunngavilersuut:

Kinguaassiutitigut meeqqanik atornerluinerit, qujanartumik, innuttaasunit eqqumaffigineqaleraluttuinnarput, aammalu ammasumik oqaasertalikkamik

INUIT ATAQATIGIIT INATSIARTUNI



akuersaarinninngitsumik oqariartuuteqarfigineqartarnerat akulikilliarlorluni.
Inuiaqatigiit pisunut taamaattunut akuersaangilluinnarnerat

ersarissiaruinnavissoq taamatulli inatsisitigut atuutsinneqartutigut
ersaritsigissasoq pissusissamisoorpoq, qujanartumillu inatsisit allannguinnissaq
siunertaralugu tunuliaqutsiineq annertummat nuannaarutissaavoq. Tamanna
tunuliaqutaavoq qulaani apeqqutigisannut, tassalu Inatsisartut
tunuliaqutseereernerisi kingorna pinerluttulerinermik inatsisip
allangortinneqarnerata kingorna susoqarsimaneranik paasinnikkusunninnut.